

প্রিয় পরিবারবর্গ,

আপনি হয়তো জানেন যে, মে মাস হচ্ছে এশিয়ান/প্যাসিফিক আমেরিকান হেরিটেজ বা ঐতিহ্যের মাস। এটা হচ্ছে যুক্তরাষ্ট্রের এশিয়ান আমেরিকান এবং প্যাসিফিক আইল্যান্ডারদের (AAPI) সংস্কৃতি, ইতিহাস, এবং অবদান উদযাপন করার সময়। যখন আমি এই সিটি ও দেশ গড়ে তোলায় এশিয়ান ও প্যাসিফিক আমেরিকানদের ভূমিকা ভেবে দেখি, তখন আমি সবসময়ই বিনম্র বোধ করি। প্রথম ট্রান্সকন্টিনেন্টাল রেলরোড থেকে শুরু করে বিভিন্ন যুদ্ধে আমেরিকার পক্ষ হয়ে যুদ্ধ করা পর্যন্ত, আমাদের দেশে এই কমিউনিটিগুলোর শিকড় গভীরভাবে গেঁথে আছে। এবং ক্ষুদ্র ব্যবসায়ী, শিক্ষক, ডাক্তার, শিল্পী, ও বিজ্ঞানী হিসেবে, প্রযুক্তিগত শিল্পগুলোতে, এবং আরো বিভিন্ন ভাবে তারা গুরুত্বপূর্ণ অবদান রেখেছে।

চ্যান্সেলর হিসেবে, আমাদের শিক্ষার্থী ও শিক্ষকগণ AAPI ঐতিহ্যের মানুষের সমৃদ্ধ ঐতিহ্য ও অর্জন অন্বেষণ করবে তা আমাদের জন্য গুরুত্বপূর্ণ। আমাদের চলার পথের সঙ্গী এই AAPI নিউ ইয়র্কবাসী ও আমেরিকানদের বিরুদ্ধে সংঘটিত ভয়াবহ সহিংসতার পরিমাণ বৃদ্ধি পাওয়ার বিরুদ্ধে কঠোর আলোচনা করাও গুরুত্বপূর্ণ। স্কুলে, সকল গ্রেডের শিক্ষকগণের জন্য পাঠ্যক্রমের উপকরণ প্রদানের মাধ্যমে আমরা এতে সহায়তা করছি। প্রতিটি পদক্ষেপে, আমাদের অবশ্যই নিশ্চিত করতে হবে যে নিউ ইয়র্ক সিটি পাবলিক স্কুলগুলোতে বৈষম্যতার কোনো স্থান নেই। আমাদের AAPI শিক্ষার্থী, স্টাফ, ও পরিবারদের জন্য: ডিপার্টমেন্ট অভ এডুকেশন একাত্মতার সাথে আপনাদের সাথে দাঁড়িয়েছে। আমরা অব্যাহতভাবে আপনাদের বৈচিত্র্যময়তা ও জোড়ালো কঠোর প্রতি অব্যাহতভাবে সম্মান প্রদর্শন করে যাব।

আপনার ছেলেমেয়ের সাথে বাড়িতে আলোচনার জন্য কিছু চমৎকার উপকরণ পেতে, schools.nyc.gov/togetherforjustice দেখুন। অতিরিক্তভাবে, যুক্তরাষ্ট্রের জনগণ ও সংস্কৃতিতে এশিয়ান আমেরিকান ও প্যাসিফিক আইল্যান্ডার আমেরিকানগণ যে অবদান রেখেছেন সেটার প্রতি সম্মান প্রদর্শনকারী শত শত ই-বুক এবং অডিওবুকের সংগ্রহ আপনার ছেলেমেয়ের জন্য লভ্য রয়েছে। এই বইগুলো সোরা (Sora) অ্যাপ-এর মাধ্যমে লভ্য রয়েছে; শিক্ষার্থীরা তাদের DOE-এর ক্রেডেনশিয়াল (আইডি ও পাসওয়ার্ড) ব্যবহার করে soraapp.com/welcome/login/310229 -সাইটে লগ ইন করতে পারে।

আমি আপনার সাথে আরেকটি গুরুত্বপূর্ণ লিংক শেয়ার করতে চাই: আমাদের পঞ্চদশ (15) বার্ষিক NYC স্কুল জরিপের লিংক, যা এই সপ্তাহে শুরু হয়েছে! 11 জুন-এর মধ্যে আপনাদের এই বছরের স্কুলের অভিজ্ঞতা সম্পর্কে আপনাদের চিন্তা-ভাবনা শেয়ার করার জন্য, আমি 3K থেকে 12 গ্রেডের সকল শিক্ষার্থীর পরিবার ও শিক্ষকগণ, এবং 6-12 গ্রেডের শিক্ষার্থীদের nycschoolssurvey.org -সাইটটি ভিজিট করতে উৎসাহিত করছি। শিক্ষার্থীদের মঙ্গল ও সম্পৃক্ততা, আপনার স্কুল থেকে প্রাপ্ত যোগাযোগ, সাংস্কৃতিকভাবে সংবেদনশীল শিক্ষা, আপনার স্কুল আপনাকে কীভাবে সহায়তা করেছে, এবং শিক্ষকতা ও শিক্ষা গ্রহণ সম্পর্কে আপনি কী ভাবছেন তা আমাদের জানান। শিক্ষা পরিবেশ সম্পর্কে নিয়ে ভাবার জন্য আপনার স্কুল আপনাদের মতামতগুলো ব্যবহার করবে এবং স্কুলটি শিক্ষা গ্রহণের জন্য আরো উপযুক্ত স্থান হিসেবে গড়ে তুলতে স্কুল কমিউনিটির সকলের সাথে কাজ করবে।

বরাবরের মতই, আপনার প্রতি ও প্রতিটি পদক্ষেপে আপনার ছেলেমেয়েকে যেভাবে সহায়তা করেছেন সেজন্য আমি কৃতজ্ঞ। আপনাকে ধন্যবাদ।

বিনীত,



মির্শা পোর্টার (Meisha Porter)

নিউ ইয়র্ক সিটি স্কুলস চ্যান্সেলর